

АССАЛАМ

www.assalam.ru

НА ЛАКСКОМ ЯЗЫКЕ

ДАГЪУСТТАНАЛ БУСУРМАНАЛ РУВХІАНИЙССА ИДАРАЛУЛ ККАЗИТ

№1 (73) январь 2008-шин. ❁ МухІаррам 1429 ❁ Кказит буккайссар зуруй цал ❁ Багъа 15 къ

БАРЧА БАВУ

МухІаррам барз

БИСМИЛЛАГЪИ РРАХІМАНИ РРАХІИМ
ХЪУНАССА АЛЛАГЪНАЛ ЦІАНИЯ



Ххирасса уссурвал ва
ссурвал!

Дагъусттанал аьлимтурал чулуха, Дагъусттанал бусурманнал рувхІанийсса идаралул зузалтрал чулуха ва ттула цІания, барчасса хъуннав тІий ура цІусса 1429-чинмур шин!

ЦІусса 1429-чинмур шин хъуннав зун, тІайла бацІу бусса, хъиншиврул ва ххаришиврул дурцІусса, дакІнийсса мурадрайн бивсса.

Иман цІакъ даврийхчин,

АллагъначІан гъан хъуну, КІанан ххира хъувсса шин хъуннав.

Оьмур, бунагъру, лухІисса дардру личІаннав ларгсса шинаву. Оьмур хъама битансса ххаришиву ялун дияннав.

Аллагъу Тааьланал рахІму-цІимий бишиннав цинявпагу бусурманнай, кІирагу Дунияллий.

Зуяту дуаь дулалисса,

Дагъусттанал бусурманнал рувхІанийсса Идаралул председатель, Дагъусттанал муфтий

АхІмад-хІажи АБДУЛАЕВ

МухІаррам зурул цалчинмур кьиний, 8-чинмур январьданий, дайдахьлахьиссар бусурманнал цІусса шин! 1429-чинмур шин! "Ассалам" кказитрал ххирасса буккулт, барачатсса хъуннав цІусса шин! Аллагъу Тааьланал талихІ булуннав зун кІирагу Дунияллий!

МухІаррам барз хъинну ххирасса барзри. ХІадисру бур: "Рамазан зурул хъирив, зума дугъан, яла хъинмур барз, МухІаррам барзри". "МухІаррам зуруй дургъусса ца зумалул буссар, щаллусса зуруй зума дургъуссаксса даража".



Ва зуруй чІяруну дувара Заннан эбадат, миннуя бара-чат биянтІиссар шин къртал хъуннин.

Цукун бувтурив МухІаррам, мукун гъантІиссар шингу.

Зумарду дургъуну хъинну хъинссар хамис кьиний, нюзмар кьиний, аьлхІат кьиний.

Ва зуруй чІявуну тІун бикІайссар "астагъфируллагъ табту илла Аллагъ". Аллагъ ялтту учІайссар, чІявусса бунагъру багъишла байссар.

Ххирасса буккулт, умудрай буру, цІусса шинащал жучІанна дучІанссар буллугъшиву, чІявуссанал къамул данссар Ислам, оьрчІал ххари банссар нину-ппу, тІий. Зун тІайлабацІуртту баннав, оьрмурду лахъи баннав, азарду чІарах дукканав! Амин!

Редакция

Номердануву бумур:

2

ХІАЖ-2007

ХІажлиясса хаварду



3

ТАРИКЪАТ

Шейх Жамалутдиннул
арс, АьбдурахІман,
цала буттая



5

ИМАН ДУССА ХЪАМИ
Жула Загърижат



6

ЦІУЛЛУШИВУ

Хъаннил
хъазамрал рак



7

ИМАН ДУССА ХЪАМИ
Жула Загърижат



ДАЪВАТ

НасихІатул аьвам

ГЪУНЧІУКЪАТІАН

ГъунчІукъатІрал
КЪУРБАН-АЪЛИ

Чаклин иссаву ялув
даврил хІикматрал,
мунил ххаришиврул
баян

Чаклин иссайни хасну гай базурду шюшин ялув баврил хІикматру – Адам идавс Алжаннаву уна Иблислул вас – вас бувтун Аллагънал мадукара увкусса мурхъираяту ахъулсса дуркуссар. ХъхъичІра – хъхъичІ инсаннава дурксса аьсившивугу мури. Мув сававрайну Адам мива уккан увну яла тавбугу дурну кІура авукун Аллагъу

Тааьланал ялув бувну амру бувссар: "Ми базурду шюлуша" – куну. Лажин шюшаву ялув дурссар га мадукара увкусса мурхъирах аьсившиву дан къасттирай дуркуну тІий. Кару шюшаву ялув дурссар каруннил ларсун дуркуну тІий. МасхІу баву ялув бувссар, ми дуркуну махъ пашман хъуну Адамлул цалла кІирагу ка хъхъичІ бакІрай дирхъуну тІий. Ччанну шюшаву ялув бувссар, му мурхъирая ахъулсса дукан къасттирай бавчуну тІий. Мунихлунури мий шюшаву ялув бувсса тавбалун каффаратну бикІан. Ялагу зумув щин ласаву суннатну бувссар къацІ хІараммуния марцІ бан.

»7

ИСЛАМ ВА ПОЛИТИКА

ХІукумат ва дин

САИД-АФАДИ
АЛЬ-ЧИРКАВИ

Аьраба хъхъичІуннай дачиншиврул ганний дикІан аьркини кІиранигъ. ЦІанасса чІумуву, ца нигыран ккаллий хънахъиссар РувхІанийсса идара, кІилчинмунин, хІукумат дачин дуну нанисса идарартту. КІирагу нигъ цал аьрхІал гъанарча, аьрабагу дачин тІиссар хъхъичІуннай. МукъюлтІсса зад бакъар, Совет хІукуматрал чІумал, Аллагънайн вихсса халкъунналгу, Коммунистуралгу дакъаву къадиркІшву, ккаччал ва бурцІурдил кунмасса ишру бивкІшиву. ЦІанасса чІумуву мукунсса ишру къабикІан аьркини Дагъусттанал



хъунисса, давурттай зузиминналгу, цащава шайкун марцІсса ххуллий, цанма ччатІ ляхълахъиналгу.

»4

ХИАЖ-2007

АхIмад МУХИАММАДОВ

Муздалифалийсса караматрал хъхъу

Щаллуну баргъ гъаннин хIажитал бацIайссар Арафатрай, яла лагайссар Муздалифа тIисса кIанайн. Мунин буну ахттакъун чак ласайссар хъхъуваймунин. Ва хъхъуну Арафат, Муздалифа ва Мина тIисса кIанттурдайн хIажлив лавгми ххилай бикIайссар автобусу. Жу бувкIуну Аьрасатнава сса хIажчитал бусса секторданийн, тIивтIусса ссавнилу мина дарду. Караматсса сурат хъуна! Аьрцарал ца бутIуй Арафатрая Миналийн бияннинсса 2 миллион хIажитал бия. Личи-личисса миллатрал ва расалул инсантал, бувкIуну 5-рагу континентрая, хъхъу гъан дуллай бия цачIу, атилсса (хъартусса) аьрцарай Аллагънайн мютIишиву инкар дуллай.

Муздалифарайсса хъхъу хъанахъиссар Къурбан-байранналул хъхъичIумур. Ва яла аьгаммур ва бюхттулмур хъхъури. Бюхъарча ва хъхъу гъан дан аьркинссар Аллагъ

ХIажлиясса хаварду



(азан чиннин чаклин бизаннин) жу хIадур хъуру Мина тIисса кIанайн гъан. Жуцал автобусах ялугълай бия,

нал хIаж къамул баннав Аллагънал ва цIуллуну-сагъун зана хъуннав шаппайн!

джамратру учай. Миналия Магълалийн нанимур Джамрат-уль-сугра-чIиви джамрат. Мунил хъирив Джамрат-уль-

чайсса аьдат-хъхъичIра чIярусса литIавуртту хъуну, ккуччу баврийну джамрат-рачIа кьуртал шайсся. ДукIусса шинал ва тагъар дахана дурссар, гъарта буну ххуллу вай нанисса, дуркьуну дахчилаймур. ДукIу 2-чинсса этаж дурссар, гъашину 3-мур зиву дирхъссар, дуллай бур 4-мур эстакада.

Чару бищайсса чIумал, хъхъичI авцIуманайн къашцуну личин аьркинссар. Чару личаву дурну махъ жу найссару Маккалив, чара бакъассса таввафа-ифаза дуван ва саъю дуван. Чартту ливчуну махъ, Къурбан-байранналул къини бакIрая 3-нна чIарагу кьуркьуну хIажчитал мурахас шайссар гъарца къадан бучIимуния, так лас-царшиву личIаннин.

Миналий цаппара гъантри буллай, хъуна бакъай цимирагу шинай куннан ку къакквксса диндалул агълу.

Миналийсса мавлид

Чару личаврия оьннесса чIун гъан къадуван дувайсса дуссар личи-личисса ислам-рацал дархIусса давуртту. Килччинсса ташрикрал къи-

Чятирдал шагъру Миналий

Ва шагъру бавчIуну бия бутIрайх. Гъарца бутIри бия цала хасъсса рангирай. ХIажлив лавгмий Аьрасатнава, СНГлия, Европанава, Америка, Австралиявасса ца секторданий бия ятIулсса.

КIюрххила бувкIун жу бувхру жунмасса чятирдавун. ХIажлив бувкIминналсса буллай бия хIаж-миссиялул инсантал. Миннавух цIа рищун ччай бур Айдамир Хангереевул, фирма "Арафатрал" хъунаманал. чятирдал шагърулий захIматну бикIай найбунува бякъайкъин, цанчирча циняв ца журалул бунутIий. Оьрмулул бугъарамий бяйкълай бия цала чятирданувун зана хъун, миннангу Айдамирдул кумаг байва. ХIаж-миссиялул зузал-



вуста дянивсса джамрат. Шамилчинмур, яла Маккалийн гъанмур - Джамрат-уль ака-

Цинявпагу хIажлив лавгминнал хIаж къамул баннав Аллагънал ва цIуллуну-сагъун зана хъуннав шаппайн!

тран захIмат хъуна Аьрасатнал хIажчитуран Миналий кIану буван.

Джамратру

КIюрххилсса чакгу буну, баргъ букканнингу бавцIуну, жу бавчур чартту бищайсса кIанайн. Миналий укунсса кIану бур шамма, ва миннуйн

бат. Цалчинсса къини Миналийн бувкIун ((Къурбан байранналул къини) 7-ва чару бичайссар Джамрат-уль-акабат. Чартту батIайссар Муздалиф-рая. Вайми 3-ма гъантлий чартту бичайссар 3-магу джамратрайн. Гъарца къини 21 чару бичайссар, 7-ва ца-ца джамратравун. Чартту би-

ни (яни 21-ний декабрьданул) хъунни мавлид циняпагу Аьрасатнал хIажчитурал. Ва дуван хIадур бунва гъартасса кIану цаппара чятирду цIачIун бувсса. Ванувуну циняв гъира буми бухан къавхъуна. Мавлидрай бия хIурмат лавайсса шайхтал МухIаммад-афанди Инхолия ва МаламухIаммад афанди Закаталаясса.

БавтIминнал хъхъичI дуруна личи-личисса мазурдийс-са мавлидру.

Укунсса даву аьдатравун дагъуну гъарца шинал дувайс-сар. Аьрасатнал хIажлийн лавгминнал ва дур Миналийн лагаврил яла агъаммур ахир.

Таржума
Сафия БАКРИЕВА



дакIнийну, Мунайн икрам буллай ва Къуран ккалай. Идавсил увкуссар: "Му инсаннал къюкI къадар къахъунтIиссар цума урив 2 рагу байранналул хъхъугу, Шяъван зурул дянив-гу шанан утту къаивхъуну". Имам ан-Навави чичлай ур: Муздалифалийсса хъхъу яла бусравмурди. Ва хъхъуну чIярусса караматру дуссар: чIумул (ва байранналул хъхъичIумурди), кIанттул ва хIарамрал кIанур ялагу ва бур кIану Аллагънал цачIун бавтIусса ва микку хъусса инсан тIалихI бакъа къаличIантIисса.

Муздалифарая 7-ва чару лавсун бичайссар Джамрат-уль акабатрайн. КIюрххилсса

Дагъусттаннаясса Дунияллул чемпион хъусса КъурамухIаммад КъурамухIаммадовлул кулпат. Жухъ увкусса куцлий, чемпионнал ва кIилчинсса хIаж хъанай бия. Цалчинмур хIаж мунал буну бур 2003 ку шинал. ЦIана ва увкIун ия цала кулпатрацал. Мунацал ялагу ия ппу, нину, ссу ва жагъилсса кулпат. Буттан биян бунва ляличисса асар хIажлин лагаврил. Мунал тIикун, Идавсил мизитравун уххаву Мадиналий, Къябалийн, Маккалийн лагаву, Арафат зунттуй ацIаву мукъуртах бусан къахъунссар. ХъхъичIва бавмур, ккавкмуни-цал лацан бан къахъунссар. Цинявпагу хIажлив лавгмин-

ТАРИКЪАТ

Шейх Жамалутдиннул арс, Абдурахман, цала буттая

Саид АБДУРАХИМАН

Ттул ппу, Жамалутдин увну ур Гъази-Гъумук. Жагъилсса члумал, къуллугъ булла ивкун ур Гъази-Гъумучиял ханначла, Аслан ханначла, чичру дувуну. Ханнангу ххирасса ивкун ур га. Давриву хларачат бусса уну тий, ханнал пишклас дурну дур ганан шанна шяравалу, цирдагу Кюриннаву, цачлунгу хъуну диркун дур ца цанилу - "Асталь". Мий шяраваллал инсантурал хлакъ булайсса бивкун бур ттул буттан.

Мукун ялапар хъанай-гу ивкун, ттул ппу, цакуну цайна цува увкун, клура авну ур льякъсса ххуллин, Аллагънал чулухунай. Лергъ тлун ивкун ур Кланал хъхичл, тавба дулла, ялтту учлу, тий. Жамалутдин пашман хъуну ур, цала оърмулул шинну ларгунниха зулмучинаха, Аслан ханнаха, къуллугъ булла, ванащал бунагъру булла, тий. Цуманал гъан дурив цала члун зулмукартурал, мунал оърму наниссар бунагъру булла, Аллагъу Тааьланал дуруччусса члун личаннин.

Жамалутдин лавгун ур Накъшубандил тарикиятрал алимчувначан, Кюриннал шейх Мухаммад Афандиначан, Яраглар тисса шяравун. Мунаяту Жамалутдиннул къамул дурну дур тарикият ва тайласса ххуллик бачин ччимий хладур булласса, ихтияр.

Мичча зана хъуну ур кла Гъази-Гъумукун ва, шейхнал булласса изнулин буну, инсантал хлакъмунин буцлан ивкун ур. Мукун акъа къашайсса ур Шейх ягу муршид. Аллагънаха зузисса, хъунмасса даражилин ивсса, камилсса, Аллагъначан гъан хъусса шейхнал изнулин буну акъасса.

Цаппара шейхтурал тийкун, "шейх акъаманал шейх - иблисри (дьявол)".

Гъази-Гъумукун зана ивкун махъ, ттул буттал чярумур члун гъан дайва халватну (цувалу) диндалуха зий, Аллагънан эбадат дулла.

Буттачан бучайва члавусса инсантал, кланал цинянахъ бусайва насихлат, Аллагънал ххуллик бачинмур байва. Му члумалгу сагъну ивкиссар Аслан-хан.

Та члумал ттул буттал ца клул хъуну дия члявуссанан - зунттавугу, къанийгу, щалла Дагъусттаннай.

Щак бакъа, ттул буттая бавну бия Гъази-Мухаммадлунгу, Шамиллунгу - ушиву Гъази-Гъумук мубараксса шейх, Жамалутдин тисса, цалгу караматсса тлабиаьт дусса.

Миннан ччай бивкун бур хъуна бакъин ттул буттащал ва ганая къамул дан тарикият.

Гъази-Мухаммадлун къаст хъуну дур, цал, хъирив лавну клул ан, ттул ппу шейх урив, акъарив, ганан къюлтмур члалан биклайсса бури, бакъарив ккаккан. Му иш клул бан, Гъази-Мухаммад лавгун ур Гъази-Гъумукун цала дуснащал. Жул къатрачлан бивсса члумал, га гъан увну ур ттул буттачан цаяра хъхичл, цува махъун агъну. Лавхъун ур къатрал килчинмур зивулин ва щя-



лагъная, мунал чани буссар Аллагънал чанная?" Ина щакрай урав, на тайласса Аллагънал лагъ ушиврий? - пишгу тий увкуна ттул буттал.

Яла зана ивкун Гъази-Мухаммадлуцалсса адиминал чулухунайгу увкуна:

Цуманал гъан дурив цала члун зулмукартурал, мунал оърму наниссар бунагъру булла, Аллагъу Тааьланал дуруччусса члун личаннин.

ивкун ур ппу усса къатнил нузал чларав. Мунал му ттул дурну дур, ттул буттан, мийжаннугу, къачлалачимур клулшайсса бури ккаккан, къаклулсса инсаннал ца учайсса дурив клул дан. Ппу льякъун, ур къатлуву цувалу. Гъази-Мухаммад нузал чларав щяивкун унува, къатлува буттал куну бур:

- Цуллу аннав, Гъази-Мухаммад, щяиклу ттучлан гъанну, микку вил клану бакъар куну.

Ва иширай махлаттал хъусса Гъази-Мухаммадлул цлукуну бур:

- Вин ча клулли, на Гъази-Мухаммад ушиву? Вин на хъхичлава къаклулссиявхха, ва ттуяту вин къабавссиявхха, куну.

- Луттираву чивчуну бакъарив, "бурувчуну бикияра гъарзад члалачисса, мукрусса

члявусса, личи-личисса инсантал. Га нигъа увсун ивкун ур, цала ханлугърай тарикият хъиннура пив хъунссар тий.

Мунин буну, Аслан-ханнал цацлана учлан увну ттул ппу, насихлат буслан ивкун ур, къамул мабулларда вичлава инсатал, тий, халват хъуну щяиклангу аьркиншиву дакъар, тий. Хан тий ивкун ур, мискинну ухурча, кумаг банна гъарзадрыву. Буттал жаваб дуллуну дур ханнахъхъун, цала цуцлав цацлана уцлай акъасса, амма цивпа бивкмигъу буккан буллан най акъашиву.

Мичча дайдирихъуну дур Аслан-ханнал ва ттул буттал дянивсса ара зия хъанай, душманшиврингума дурккуну дур.

Аслан-хан, ца члумал, ттул ппу ивчангума ччай ивкун ур, амма кла Аллагънал урувчуну ур оьсса иширая.

Цал ханнал цацлана тлалав увну ур ттул ппу ивчаншиврул. Ттул ппу увцуну бивкун бур ханначан. Ханнал хъхичл, ттул ппу авцун ивкун ур ттуршай кагу дирхъуну. Хан цакуну аххана хъуну, нигъа увсун ур. Щяивкисса кланттая ивзун, лавгун ур цамур къатлувун. Яла нукартурохъ куну бур:

- Ита акъяра та шавай, та найн кагу мащари. Ттун ккаккунни, танал кисри бия чанна лавхъун, чирахъру кунма.

Ялагу, ца члумал Аслан-хан тий ивкун ур ттул бут-

тахъ:

- Ттухъ бивсунни, ина мубаракшиврин ивну усса ура ва ина караматшивурттал заллури, тий. Ттунгу ккаккан дува ци-дунугу ца караматшиву. Яла на вин вих хъунна.

- На Идавс акъара. На Аллагънал лагъ ура. Ити на паракъатну, - куну бур буттал.

- Ина ттун ккаккан къадарча, винна члалай диклаймур ва караматсса ци-дунугу, на ина ивчанна, куну бур ханнал.

Буттан бивчуну бур, цува ханнал ита акъин най акъашиву. Мунал увцуну ханнал лагмамнинава ца инсангу, увккун ур хъун ххуллин. Ххуллул дянив, аьрщарай аьш дурккун, буну мукъмурицлугу, куну бур:

- Шикку дуссар дурччуну Райханат тисса щарсса, цурдагу дурччуну дур хъинну хъхичлавасса заманнай. Диркуну дур чапунащалсса даъвий, жаназа дур сагънура, суру зия къавхъуну.

Ханнал гъан увманал, хъянгу ивкун куну бур:

- Цукунни шикку гъав диклан бюхъайсса, пара бусса кланттай, хъунмасса ххуллий? Ина, инава тимур тайласса бушиву ккаккан къабарча, ина ханнал ивчантиссара.

Му члумал минначан гъан хъуну ур жагъилсса буттал мюрид, ца ницгу хъирив бяхълуну. Ханнал инсаннал увкумур бавну, ганал куну бур:

- Цланакул шикку гъав льякырча, на ва ттула ниц гъаттай къасса банна.

Буттал ккаккан бивсса клану бихлай, биялсса куртл хъусса члумал, цакуну, члалан диркун дур хъамитайпалул жаназа. Га диркун дур хлакъинну дурччусса кунна, щаллуну. Микку ханнал хъхичлама зурзу тий нигъа увсун ур. Ханначан лавгун, бивсуну бур цанна ккарксса караматшиву. Мюридналгу бивххуну цала ниц, садакъа буну бур.

Ва иш хъуния махъ, ханнал къаивтун ур, ттул ппу паракъатну. Паракъатну итанна учирчагу, хан оьккуну уруглай ивкун ур буттал чулухунай, мунияту, цала оърму ххассал булла, ппу ивзун ур Гъази-Гъумучату Цахъарав. Цахъарав ялапар хъанай ивкун ур Аслан-хан ивчаннин. Хан ивкуну махъ, ппу ивзун ур махъунай, Гъази-Гъумукун ва кликкува ялапар хъанай ивкун ур Шамиллул цацлана учиннин.

Мура члумал, Шамиллул цанма бивцуссар ттул ссу, Загъидат, чансса махъ, ттунгу ттул уссингу буллуссар цала душру. Укун, жул кулпатгу Шамиллул кулпатгу цацлун хъуну буру.

ИСЛАМ ВА ПОЛИТИКА

ХІукумат ва дин



144

Совет хіукуматгу, компартиягу кьаккарайли бавцунни, мунияту жуцава бюхълай бур, жучлара каши дур хіукуматрал ва динналул ишру ца тIайласса, марцIсса ххуллийх бувцуну бачин. Щаращи оьлукъирча, щаращул щингу марцIну кьадикIай. ХIакъину, щаращун ккалийну хъанахъиссар жунма РувхIанийсса идарагу, хіукумат дачин дурну нанисса идарарттугу. КIай кIицI ларгсса идарартту ца ххуллийх дачирча, цуппагу тIайласса, цияв Дагъусттанлувтурал дяхлаву-гу дикIантIиссар цасса, уссур-аврал куннасса. Аллагънал цалва тIайласса, хъинсса давурттайн тIайла булланнав цив. Агарда кIай кьазурча тIайламунил хъьури кIунтихъну, нигъачлаву дуссар ххуй бакъасса иширтту хъун бюхъайсса цайми кIантурдай кунна, жучлавагу Дагъусттандайгу, Аллагънал кашиллийну жучлара паракъатшиву дур, Аллагъ рязий анну кьуццу буллангу аьркинссару.

Ххирасса уссурбал-бусурмантал! ТачIав вичIи мадишару, я вихмашару цаппарасса халкъуннайн, дукъан дан аьркинссар хіукумат тIисса, гъазаватрайн оьтIисса. Аваданшиврул ва, кьуллугъиртал цаний дуллалисса тала-тавррийн мяйжаннусса гъазават кьаучайссар. КIа инсантурал дянив дичлачавур шариятрайн кьаршисса. Жулба лагма-ялтту хъанахъисса фитнардал чун буцлациссарив куртIну пикри буллан аьркинссар, ми фитнардугу яра архну хъинссар, миннул чун буцайссарив кIулу бикIан

аьркинссар. Дяьвирдал, хъиндан кьашайсса щабурду чIалай личIаяр, цIанасса оьрмулул тагъарданийн гъашиву дурну, паракъатну хъинссар.

Диндалул уссурбал! Жува бачару оькки-ккакку буллай хъуникъуллугъирттайсса хIакимтал. ДакIнил пикрибагу тачIав мабари на гайннахлу гьалгъа буллай ур тIисса. Ттун цалба лавгсса ттулба оьрмулубу цаягу чиновникна-щал дусшиву дансса тагъар кьархъуссар. Жунда жулда диялдакъашибурттугу чIалан аьркинссар. Аллагънал ххуй-бакъасса хъуними, паччахIтал, гъанбайшиву кIулу бикIан аьркинссар, инсанту-

Ххирасса уссурбал-бусурмантал! ТачIав вичIи мадишару, я вихмашару цаппарасса халкъуннайн, дукъан дан аьркинссар хіукумат тIисса, гъазаватрайн оьтIисса.

ран, халкъунан цанма лайкьсса, цахава лачин ца дусса. Жямат цукунсса бурив, мукунсса гайннал хъунамагу икIайссар. Совет Хіукуматрал заманнай Аьбдуль-ХIамид-афанди Инхолиясса лавгун ивкIссар Астарханнайн. Аьраб инсан ккаккан захIматну бивкIссар малаикнаяргу. Ккавксса чIумалгу га аьрабнащал гьалгъа бан кьаитайсса ивкIссар га аьраб цувагу акъашайсса ивкIссар цащалба гьалгъа бан ччисса кIулушаврибун, цува махъунай тIайла кьаукканшиврул шавайн.

Аьбдуль-ХIамид-афандинал гьалгъа буллалисса чIумал аьрабнахъ хъярч буну бур: "Инава шавай нанисса

чIумал, лагу ивтун, нагу уци вищала". Аьрабнал увкуну бур, пишгу куну: "Шайссарав ина ла итан, ххалаххибагу ласун кьашайсса хіукуматрая".

ХIакъину масалтту цукун буссарив буруги зува. Дуссарив хIакъину кьадагъа дуллай циксса, чунай дуклан гьарчагу. Зун гьарчагу жула жагъилтурай, гайннан ци лахъхъин буллай буссарив, цукунсса кIулушиврущал шаппай зана хъанай буссарив? Муба куйлий, буссарив ххал буллай жучIанма Дагъусттаннайн бувкIимийгу, гай ссайн бувкIссарив, та бувкIссарив, цивппа гай царив? Цалчин, чара бакъа аьркинни РувхIанийсса идаралухъхъун дулун хIажлив, умралийн, дуклан тIайла буклакавил иширттал давуртту, кутIану учин, РувхIанийсса идаралий бихъин кIай буржру. Мугу бан кьашайссар дахлаву дакъахъурча РувхIанийсса идаралугу хіукуматрал идарартталгу, масалдаран, тIайлассарив, агарда РувхIанийсса идара хIала духларча, политикалул ва экономикалул иширттавул хіукуматрайн багъайсса. Учину тIайланма, кьатIайлассар.

Мукунма, хіукуматрал идарартталгу аьркиншиву дакъа-ассар хIалабухлан цайнба кьабагъай мунивухгу, РувхIанийсса идаралул хIакъсса иширттавухгу, анма кIай идарарттал куннищал кусса дахлаву, маслихIат как-

каву дикIан аьркинссар. КIия уссуыл кунна, бухъурчагу дуллай личIи-личIисса давуртту, яхъанай личIи-личIинугу, анма уссурвалшиврул цакъгу, вихшалагу марцIну я дуллалисса.

Мунин бувну, агарда РувхIанийсса идаралугу, хіукуматрал каялувчийталгу куннащал ку бавкъуну давуртту дачин дулларча, умуд буссар, жулва Аьзизсса Дагъусттаннай паччахIшиву дуллан тIишиврий бавкъуну, ца хъуну, аваданну.

"Мажмуаьтуль фаваид" тIисса луттирава. Таржума бувссар Ттурчииял ХІАСАН-ХІУСЕНДУЛ

Чиркейлиясса Саид-афанди: Шариатрал, дакIнил хъундашиву кьамул дуллай дакъар

Жул хъуна бакъаву хъуна Чиркейлиясса Шейх Саид-афандинащал, цугу хъанахъисса, хIакъсса суфитураву яла гужма, хIурмат бума маслихIатчи, мюршид, цалва кIанал кьатлуву, хъинну дакI тиртIуну кьамулгу бунну.

– ХIурмат бусса Саид-афанди! Гьарцаннан кIулли, Дагъусттаннал цIа Дунияллийх ларгун душиву, бусулман диндалугу, дурккусса Аьлимтуралгу Дунияллий агъамсса кIану бугълай бушивруйну. Цукунни хIакъину шикку тIутIайх дичлачисса кьачагъшиву, лурттурасса ласаву, аьдлулийн мютIий кьахъанахъаву. Цанни хъунисса кьуллугъирттайсса хъуниминнаву Аллагъная нигъ хъинну чан хъусса?

– Му жуяба кьананиссар, жуцава бан шайсса цичIав бакъа-ассар. Буссар хIадис МухIаммад Идавсил ﷺ, укунсса чIун дучIан аьркинсса ккаклакисса, чIалачисса ххуйдакъашибуртту хъиннура чIяру хъанан тIисса. Имам Магъди кьаукIна, жунна ччисса низам дишин, тIайламунил ххуллийх нанисса кьахъунтIиссар, кьахъанай бухъурчагу, Аллагънал тIимур марцIну биттур буллан аьркинссар Исламрал цаний. Цалсса, имам Магъди кьаукIна, я Аллагъ! На ялугълай акъара марцIсса низамрах. Жуцава цичIав баххана бан кьашайссар, дакъа тIий жучлара мукунсса каши, кьудрат, мунияту аьркинссар гьарзад, ччайнугу кьаччайнугу бухIан, Аллагънахъ кумаг ба тIун.

Имам Магъди увкIсса чIумал, Дунияллий цамур дин кьадикIантIиссар Ислам дакъасса – цурдагу дин ца акъа акъасса Аллагънайн мютIисса. Магъдинах буссару жува ялугълай. Ттул пикрилий, му чIун гъан хъанай дур.

– Уссарив Дунияллий цIана имам Магъди?

– Уссар, ахир уссар. КIа цIанакул сагънугу уссар.

– Ххачпараснал тIий бур, цивппа ялугълай буру кIилчингу аьрщарайн Ийса Идавс учIаннин

– КIагу учIантIиссар, анма Магъди увкIун махъ. Ийса Идавсугу сагъну уссар, га ххачрай кьаивкIуссар. Ахиратлул кьини Магъди ва Ийса литIунтIиссар. Гай ливтIун махъ, Аллагънал кьамул кьадантIиссар цукунчIавсса пашманшавуртту, циксса леххаву тIурчагу инсантурал цайнма. Га чIун хъанахъиссар Дунияллул ахир дучIаву. Цабай бикIай, га чIумал цанма ххуйну бикIантIиссар тIий. Мукунсса инсантал хъинну бьавкълакьиссар. Аллагънал, Ийса Идавс ссавнийн увцусса чIумал, инсантал бивкIссар тIайласса ххуллийх най. Яла 80-100 шин ларгун махъ Ийса аьрщарай акъа, гъандурну диркIсса чичру даккан дурссар, инсанталгу тIайласса динналул ххуллия бьавкъюссар.

– Уттигъанну жул каруннаву багъуна чIибисса лу "Исламская Аквида" тIисса МахIаммада ибн Джамиль Зинул чивчусса, цивугу тасттикъ буллалисса: "ХIакъсса бусулманчунан аьркинссар цайми динну дуллайсса инсантал ккавккун кьаччавугу, душманшивугу я дуллан дакIиву, Шариатрайн буссарив мукун тIий?"

– ДакI хъун дуллалаву Шариатрайн хъинну кьаршийсса задри. Ягу бусулманчу хъуну, ягу бусулманчуну ляхъюннача тIий, дакI хъунна дуллалаву, пахру, ххара буллалаву кьахъинссар, цала кашиллийну кьавхъуну тIий, я хъун кьашавай тIий. Гай бусулманталну баву, ягу бувабу – Аллагънал цимир гайннай бивхъусса.

"Ина бусулманчу акъара" тIий инсан кьюкьин уллан кьалайкьссар. Цанчирча, жунма гъунтти кьакIулссар ганан ци хъубив – балики га гъунтти жуярва ххуйну кьуццу буллан. Кьюкьин уллалаву инсан, ина бусулманна, ягу бусулманну акъара тIий кьабучиссар. Аллагънал бюхъайссар га жула кIанай итан гъунттимур кьини. Агарда ганан бувчин бан бюхълай ухъурча, буса, бакъахъурчагу ити цува, бяс буллалаву кьатIайлассар.

– СМІ чичлан бикIай Исламрая, ганил гъану-чIан цанна кьакIулна, масалдаран, чачаннаву дьъви нанисса чIумал чIябусса тIий бия: "Бусулманнал джигъад баян бувссар", "Бусулманнал гъазават баян бувссар" тIий. Бюхъайссарив чачаннаву най бивкIсса дьъви, жуцава ккалли бан гъазаватран?

– Къашайссар. Гъазават чайссар дяъбилейн, цугу буллалисса Исламрал ва Аллагънал цаний. Совет хIукуматрай 80 лла шинал мутталий жува чакру булланвагу битлай бакъаяв, Къуръан буккингу къабитлай бияв. Цанакул зуначинахъ цIуххара, щилкIуй чакру мабари, Къуръан ма букларду тиссагу хъуна бакъайрив куну? Къабакъайссар. Къахъуна бакъин тиссар "мизитру мабари" – тиссагу, хIажлив малагари тиссагу м.ц. ХIакъину дур гъарца зад, вилда дакIинин ччимур, гъарзад дуллан ихтияргу дур.

– Цукунсса бикIан бакъайссар цана гъазават?

– Зу тIимур, Исламрал цаний дуллалисса даву дакъарча, ва пасатсса Дунияллисса, хъуслилгу, арцумусилгу цанийри. Зуба пикри бара, хIакъину ттун диял къахъанакъисса ци дур? Ттун ссан аьркинссар гъазаватрайн уккан, цир хIакъину ттухъ мадара тисса?

– ХIакъину питнарду буллалими тий бур: "Исламрал хIукумат дуван ччай буру..." тий.

– Бурушра! Гъазават булла байбишингу цилла цилла шартIру аьркинссар, чIун дурну дикIан аьркинссар. Идавсингума (с. аь. с.) личисса чIуннардий Аллагънал амру бивну бивкIссар талатаву дацIан дансса. Цана мукунсса чIун дакъарха, гунти хъунмур Аллагънал чIалачи банссар. Укун къукъай ттул аькълулл. Аллагъналгу Исламралгу цанийру гъазават буллалисса тIиний, му ца укунмасса мяна дакъасса ссаннив ккалли бара на, бакъассар цукунчIавсса гъазават. Жулба яруннанния чIалай бур хъанакъимур: фитнарду най бур лахъ къуллугъирдал цаний. ЗахIматрал халкъуннан, Исламрайн бивну оьрму бутлатисса, "Таввасуль" буллалисса, Аллагънайн икрамру буллалисса, кIай фитнарду аьркинну бакъар, анма лахъ къуллугъирттайн хъит-шитру тинал, кIай захIмат ххирасса инсантуран дигъалагру дуллай бакъар, гъазават бувайсса Исламрал цанийри, цана гъазават бакъассар.

**Таржума бивссар
ТтурчIиял
ХІАСАН-ХІУСЕННУЛ**



ИМАН ДУССА ХЪАМИ

Жула Загърижат

МухIаммад Идавс тий ур: "Диндалул хъамитайпа цайминнуяр личIиссар, ца ххяппа кIяласса хъатIу кунма".

Самрат ГОРЧХАНОВА

Шагъру бия декабрьданул лахъисса хъхъунивун бахъ лаглай, най дия сирсир тисса гъарал. Загърижат бурувгуна чIавахъулттих, яла никирттайнгу багъну чак буллан бивкIуна. На бивхуну мунил къатлувунгу щябивкIра чIу къахъунну, чак баврихун бахъачин, му къуртал хъуннин. Мунил на ниттилкунма ххира ххуй бивра чак бивну махъ, яла жу щябивкIру тахлий, тIааьнсса тIювалува, бия къатлува кIукIулсса гъава цувгу бивцIулсса ариаьтрал къункъал Аллагънаятусса. Устулланий бия Къуръан лагмара дия шейхтурал, устазтурал суратругу. На Загърижатлухъ виява буси учав. Мунил рахIматну, иминну пишгу увкуну байбивхъуну бивсуна цила оьрмулул тарих.

На бивну бира 1 ЦIувкIуллал шяраву, Ккуллал райондалий, захIматчинал кулпатраву. Бутта ччя-ччяни дуланмагърал хъиририв лагайсса ия, нинурив ичIаллил даву дуллай, оьрчIалсса (2 душ) буллай дикIайва.

Цакуну ялун бала бивуна. Ттун 2 шин шайхтту ттул ппу ивкIуна. Нину хъинну Аллагънайн мюттийсса, чак бувайсса царсса дикIайва, нагу ганил чIаравгу щябивкIун вичилий бикIайссияв, 5-ра шинаву ттун чак бан лавхъхъуна. Амма бала цуппалу къабучIай къатлувун. Ттун 7-ла шин шайхту къашавай хъуну диркIуна нинугу. Гъаксса бигъану бакъая ттун, ниттих мякъну бикIайвав. Ттул тарбиялулсса буллан бивкIуна хъунмур ссу Написат. Цуксса захIматсса чIун духъурчагу, жу хIалимну, цанная-ца рязийну бикIайссияв, жун мачча-гъанналгу кумаг байва.

Най дия шинну. Ттун 18-шин хъувкун, на щар буллунав бакI-аьмал ххуйсса админан Аьбдуллул, мунал на бивцунав Гъанжилив ялапар хъанан, цала къатравун. Жул бия талихIсса, тирххансса кулпат, хъуна жул дянив 4-ва лякълул оьрчI.

Ца бала ттигу бивна ттул ялун. 1975-ну шинал къабивтун 4-вагу оьрчIу махъ, ивкIуна ттул лас. Хъинну захIматну, къурчIину бия ттун. Ттул дакIивун дурхсса дард духIан хъанай дакъая. На луглай буссияв дакI къанкъа хъунсса чара, аьрининну бия 4-ва оьрчI ябан. Ттун ляркъунни дакI паракъат дансса ча-

рагу, диндалул чулухунмайсса ххуллийх бачаву. На лахълан бивкIра гъарца диндалухун дархIумур, кIул хъанай бавчуна чIявусса цIусса затру.

– Бусила, щил кумаг бивна вин, щил лахъхъин бивна диндалул ххуллу?

Ттушчал мудангу бикIайсия ттул диндалул ссу, ПатIимат.

ОьрчIру хъуни хъуна, щар буллуссия душ. Ялагу дурккунна ттул бакIрачIан къини. ИвкIуна 3-ма ятингу къабивтун, душнил лас, мунала хъиририв Армиялия зана хъусса ттула арс. Ялагу багъуна ттун хъиннува диндалува ссавургу, паракъатшивугу дакIиву луглан.

–Та лавгссияв ина цалчин УстазначIан?

1991-ну шинал на лавгра Доргели шяравун МухIаммад – АьличIан. Оьрмулува дахханашиву хъанан диркIуна муния махъ.



– Ина ялагу чув буссияв?

Ттун ччан бивкIуна диндалул кIулшиву куртIну ласун. На занан бивкIра зияратирдайн, чIявусса зияратирдайн бивра на Дагъусттаннай.

– Та лавгра ина хIурмат лавайсса шайх Саид-АфандиначIан?

2002-ну шинал жу 14 хъами-



тайпа буссияв Лакрал миллатрая. Бюхттулсса шайх Саид-АфандиначIан бухлайни ца аьжайвсса хъовуссулшиву дия. Амма жу хъинну ххуйну къамул бивнав, ва мичча бивкIун махъ ттул дакIивун паракъатшиву, иминишву дагъуна, хъунмасса хIаллай къалаглагисса. Мунал увкуну ва дуллусса вирд на биттур дара. На яла-ялагу лавгайссияв муначIан.

– Хъамитайпалул талихI цукун кIул байссар? Ина талихI бусса хъамитайпарав?

Да, ттул оьрму Аллагънашчал бавхIуну тий, КIанайн икрамрай бунуттий. ТIарикъат-

равун бивхуну ттунма наба Аллагъу ТааьланачIан гъан хъуну чIалай бира.

– Ци чIа тий бира ина Аллагънахъ?

На тий бира Аллагънахъ инсантал куннашчал-кув личIуллу бивкIаву, ттула оьрчIругу, оьрчIал оьрчIругу тIайласса ххуллий бишаву Дуниялий дакъаву, нахIушиву хъун даву.

Ялагу ччай бур ттун ХIажлив гъан. Махъсса чIумал мушакъатну бивкIра, мунияту гъан къавхъунни ттинин. Утти умуд бур гъан, цIуллушиву духъурча.

– Дулуннав вихъхъун кашигу – къудратгу, цIуллушивугу вила дакIинимур барт лаганса.

Загърижат гъарца бивкIулийгу, буккулийгу яла аьркинмур инсан бур. Щил къатлувун му буххарчагу чани ялунгу ххи шай, барачатшиву шай. Мунил дуаьгу дувай, зикругу бишай. Ца ялагу бусанна Загърижатул инсаншивруя. БивкIуну бия чIивини тинмай мушакъатсса хъамитайпа. Загърижатлул оьвкуну бия га зана-къала буван "Ванил дуаьгу, ванихасса хIурматгу кIилийнуссар, ттуйн хъхъунивун ваних ясин буккин цан къа оьвчарду, ва хъамитайпалул бивмур хъинну чириссарха" тий бия.

– Ина ци учара ва цананса оьрмулия, ва цукунсса бур вил пикрий? Ци дахханашиву хъури махъсса шиннардий жула оьрмулуву?

Ххуйсса шинну ккалли хъанай дур чIявусса инсантал диндалухун багъаву, мизитру титIлатаву ва м.ц.

Вана укунсса бур жула Загърижат. ВаничIа такIуй бизаршиву къадикIай. Цуппалу бусса чIумалгу ванил буккай Къурангу, чакругу бай ва дуккай дуаьрттугу.

Ца хъиннича ва укунсса бусурман хъамитайпа бушиву жула Лакрал миллатраву.

АБКЪЛУ БУССА ДАВУ - ХЪИНМУР ДАВУРИ, АВЛИЯМУР КЪАДАВУ -ХЪИНССА ДАВУРИ

ХИДИС

БУККУЛТРАЛ САЛАМ

Барчалагърай буру

Гъунчлукъатрал къутандалин 2006 шинал, Исламрал институт къуртал бувну увкIуна практикалий Аълиев АхIмад, оърчIахъ ва душарахъ исламрал дарсру дихълан. Жу буру Бабаюртуллал райондалийсса Баласма тIисса шяраву.

Бия дарсирайн занай 40 оърчIру ва душру, гъарца къини 3 ссятрай къулгъу, алхIам лахълай бия, чичингу лахълай бия. Миннахъ дарс дихълай ия яру оърчI Аълиев АхIмад.

Жул шяравату архдакъа дур даргиял къутан, гиккусса даргиричув Рабаданов Аъли учIай жул бивкIу буккулий.

Мизит бавугу ганал байбишин бунни, мизитран кумаг буллай цала машиналий учIай жуцал. Ганахъ хъунмасса барчаллагъ тий буру.

Жул жямат

Исламрал ххуллийх

Ххуйсса пикри хъуну бур Гъунчлукъатрал къутандалийсса жяматран. Заманалуа лавхъхъуну къуццу тIун аъркинни. Мизит буллай байбихъунни. Жяматрал кумаграйну гъанурду бивхъунни. Ва даву дан кумаг буллай, диял дахъамур тIалав дуллай бур Аъразов ХI-хI. Каркаев А., Бутаев И., Аъразов А., Шуаъев Ю., Аъли Рабаданов. Ххуйсса кумаг бувунни пенсионный фондрал хъунаманал Амуттиновул.

Сайпуллагъ-къадиал цIанийсса мизитрал имам Сиражутдиннул, Хасавюртуллал центральный мизитрал имам Яхъя хIажинал.

Хъунмасса барчаллагъ цан, оърмурду

лахъи баннав, кумаг бан кашину личIаннав.

Умуд бур ва мизит щаллу бан кумаг банссар тIисса кумаг бан каши дунал.

Тавакъюри редакциялухъ, яруссанал ва даргиял газетрайнгу чичаву.

ЖучIа яруссанал ва даргиял миллатгу ялапар хъанай буру.

Жун кумаг буллай ур имам АхIмад хIажи, Бабаюртуллал мизитрал имамнал хъхъичIама.

Жул адрес:

Бабаюртовский район,
п/о Тамаза-тюбе с. Баласма
к/з "Красное знамя"

Бабаюртуллал регионалийсса Баласма шяраву, хIурмат лавайсса Гъунчлукъатрал жямат, "Ассалам" казитрал редакция барчаллагърай буру вай чагъарду жучIан гъан бувну тий.

Аллагънал кумаг баннав зун, дакIнийсса мурадру щаллу хъуннав. ДакI дарцIуну буру, мизит бан тIишиврий, оъвчаву дуллай буру ттуршамасса

Гъунчлукъатрал вирттаварин, зун мизит бансса кумаг бара тий.

Зуяту дваь дуллай, Аллагънахъ чIа тий буру зун, дуллалимуниву тIайла бацIу ва цIуллушиву. Амин!

Редакция

ЦИУЛЛУШИВУ

Хъаннил хъазамрал рак

Гъумаюн КАЛЛАЕВА

Яла чIаруну хъуна дакъайсса хъаннил азар дур хъазамрал рак шаву. Му азар оънура чIаруну хъуна дакълай дур Аърасатнаву ва Европану. Бюхъайссаксса чяни хъин къадарча, мунил ахир ца дур, мунил ита къабакъай хъамитайпа, жагъилсса бунугу, хъунмавхъусса бунугу. Рак хъинбансса даруртту лавкъууссар тий буккай, амма ттининнин цичIав бан хъанай бакъар. Аллагъу Тааъланал увкуну буру, (маъна) "Гъарца азаруннин, га хъин дансса дарман буссар, ца бивкIу личIаннин".

Инсантурал аькълу, элму диял хъанай дакъахъунссар му дарман лякъинсса. ИншаАллагъ, КIанал Цала тIайла бацIан баннав, кумаг баннав, лякъинмур баннав!

Амма, бусурманнал хIукуматирттай хъаннил ракрал азарду хъинну чанну дур. Цукунни, мий хъаннища буручин шайсса муксса оьсса, азгъунсса азаруннища? Ва

суалданухъхъун жаваб дулуннин, ххал банну рак шаврил багъантту.

Цалчинмур, яла хъунмур багъана хъанай бур чIавуну оърчI лиян баву (аборт). Гъарца оърчI лиян бутари, хъамитайпа гъан хъанай бур ракрачIан. Ялагу, тти заманнул хъами бур чансса оърчIру буллай. Яла чIавуну хъазамрай рак шайсса бур оърчI къабувсса щарссанил. Европанал хIукуматирттай манастырдавусса хъаннил (монахини) чIавуну шайсса бур хъазамрал рак.

Рак шаврил багъана хъанай бур, ккукку бачIва хъуннин оърчI ттихъин къабаву, чяни ккукку къабитан баву, чIавуну хъювсул хъанахъаву, цила чIумал цахва къабургаву ва м.ц. мюршсса багъантту. Шиная шинайн оърчIру баву чан хъанай дур, ца ягу кIива оърчI бувну, бацIлай буру.

ЧIавумий хъами арцул цIаний лечлай буру, кIира шанна даврий зий буру, ягу, къини бархан дахху ласу дуллай, дяркъу-кIиришиву къау-



ОърчI цукун хъунссар? Рак хъукун – ахир ца дур, бувмийвагу хъуни бан къахъунссар.

ОърчIан ккукку булаврия махъунмайну бур чIавумий хъами, дахъа оърчI байхтту, ганин буллай буру шушлуи

ОърчIан къадуллусса ккуккулул накI хъазамраву дацIлай дур, хъазам бизлай буру, мий накIлил ххуллурду бацин бувну, къурхъру хъанай дур, ракрин кIура даллай дур.

Аллагъу Тааъланал хъаннин буллуну буру ва Дуниялий яла хъунмур даража – цIу лаган баву Дуниялийсса махлукъат. ЛивтIуминнан кIанттай, КIанал бюхъулийну, цIусса инсантал ляхъан баву. Хъаннил къуллугъ цирин, КIанал амрулия буклан? Щил ихтияр дуллуссар лякълуву хъусса оърчI лиян буллан, га бивкIлан? ОърчI бувну махъ, га накIлил буччин циванни къабайсса, кIира шин хъуннин?

Арантуннан буллуну бакъар оърчI шайсса ва накIлил буцIайсса базурду. Хъаннил биттур буллан къабивкIукун, цайва бивхъусса бурж, ягу щаллуну биттур буллан къабивкIукун, танмихIгу буру – рак.

Ва укунсса ишираву Исламрал ци тIалав дуллалиссар?

Къадагъа дирхъуну дур оърчI лиян баврин, так ца-ца чIумал барча бакъасса, масала, лиян къабарчагу, оърчI личIан тий бакъахъурча, ниттин нигъачIишиву духъурча. 40 гъантта хъуну махъ, лякълув оърчI хъуну, га лиян бан къабучIину буру.

ХIакъсса Иман дусса щарсса, къадуккантIиссар Аллагънал амрулин къаршину.

Бусурманнан ххирассар оърчIру чIаву хъуну, МухIаммадул (с. а. с.) уммат гъарза хъуну. ТанмихIрал Къиний, Аллагънал гъан увма (с. а. с.) ххарину икIан тий ур, цала уммат хъунмасса бушиврия, цайминнахъ бурувгун. Бусурманнал кулпатирттаву оърчIал хъяхъаврил чIу чан къахъуннав!

МухIаммад Идавсил увкуну буру: "Ганил оърчI бувкун, гъарца накIлил ххуллун, хъазамрава оърчIал цIупIа тIисса, ганин буссар хъинсса даву дурссанухъсса кунмасса даража, оърчIащал хъхъу уттара дарча, Аллагънал булунтIиссар даража, 70 лагъ тархъан увссаксса" (Табрани).

Аллагънан кIулмур жунма къакулуссар, КIанал цимилул дазу дакъассар.

Я Рабий, мабара Ина жу Вила цимилуя арх бувминнавух! Амин!

Бусурманнал кулпатирттаву оърчIал хъяхъаврил чIу чан къахъуннав!

куну, къатIув буру. ЧIавуну бяхълан бивкIукун, хъаннил оърчI бай базурду азаруннил бугълай буру, мий азардугу, цила чIумал хъирив бувккун хъин дуллан къабивкIукун, мий ракрин дуклай дур.

лавххуну мазухъи, порошкочая дурсса накIлил банкартту ласлай буру, мукун оърчIру къашавай хъанай буру аллергиялул, мий оърчIаща лялиян дан хъанай дакъар, хъанай дур лякълул азарду.

ДАЪВАТ

1 «

Ми ларсуну къаці шювшу-кун мунил бувсса бунагьирт-тая, щялмахърая, гьибат – бугьттандалия марці шайс-сар. Къункъув ласаву суннат бувссар дуржагьрал къанкъ къарищун. Дарвачрах масху баву суннат бувссар царал ссиржиндру дарвачраха яла гъан дан. Вичайх масху баву суннат буссар ссиратрайх лахъайни дуржагьрал чу къабаян. Лажин шюршукун, мунал бувсса бунагь хларамму-них бурувгсса, щинащал зизайссар. Кару шюршукунгу мукунма мунил бувмур зизайссар. Ччанналгу мукунма зизайссар. Хласил, ссаврун-ная щингу ликкан дурну, мий шюшаву ялув дурссарагу гъа-пулшиврийну, аьсившивурт-тайну ливтлусса базурду шюв-шуну уттава банни.

Сивак дуккаврил ххирашиву



Чаклийн иссайни, чак байни, къаці баххана хъуну тлааьн бакъа хъусса члумал, цуну шания ивзсса члумал, ягу оьккисса зад дуркуну къаці баххана хъусса члумал сивак дуккаву суннатссар. Чак байни дуккан ялувссар тиссагума бур, къадуккарчан чак батлун шайссар тли. Идавсилгу увкуну бур "Чаклийн исса-ву имандалул жузьур. Сивак дуккаву чаклин иссаврил жузьур. Умматиннан захимат къашайссания гьарца чак байни дуккира куну амру ба-

НасихІатул аьвам

ГЪУНЧІУКЪАТІАН

вияв" – куну. Сивак дурккуну бувсса чаклил чиригу, даражагу хъунмасса буну тли.

Расулллагь ссавруннайн лавхъун Алжаннувун увххукун, мивусса хлурлэнтурал увкуссар: "Я МухІаммад! Ина вилва умматиннахъ сивак дурккуну жул ххушиву зияда шай" – куну. Му дуккавриву хъунмасса чири буссар. Чявусса даруртту буссар. ХхюцІалва фаида буссар. Къаці марці байссар, Аллагь рязи шайссар, малаиктал ххари шайссар, янил чани зияда шайссар, балгъам цуцІаврин хъинссар, хифз зиядасса икІайссар, ккарччив кІяла шайссар, синтту цаьк шайс-сар, дукансса лялияйссар, цайми – цами фаидарттугу чявуссар. ХІатта Идавсил аьсхІабтурал сивак вичІахун лиркІуна бикІайва тІар Аллагь кІиці лагайни, Куръан буккай-ни, дукра дурккун дуккаван.

Му сивакгу яла хъинмур Ирак тлісса мурхъирая къуркъумурди, ягу мукунмасса цамур мурхъирая духурчангу, цурдагу аьнтуксса лахъисса дикІаву хъинссар. Дуккайнигу урчІамур битІа кІисса лув бивхъуну, хъун кІиссурал бакІ тамур бакІрачІа дирхъуну дукканссар ккарч-чайх уттайннай урчІамур чу-луха ай ивхъуну. Му сивак дакъахурчан цамур ххарт-тасса, къанкъасса, къаці марці байсса зад дукканссар, янна-лул ссимиялттул мурцІу – зума ци дунугу. ХІатта кІисса буккаврил гъашиву дайссар тийгума бур, дурагу къадурк-кун икІаяр. Цурдагу щя ивкІун дуккаву хъинссар. Амма зума дургъусса адаминал ахттая



махъ къадуккаву хъинссар дуккавунияр, Му члумал мунал къаці нахлуну бикІавай тлий. Му нахлуну къагъан. Хъаннин тачІаврагу сивак дуккаву къасуннатссар. Мунин кІанай миннал ккарччулуци ккюгъайссар. Сивак дуккайнигу "Аллагъумма барик лана фиғи я архІама ррахІимина" учинссар.

МасхІу баврил хІукмурдал баян

Аллагъу Тааьла Жалла – Жалалугъуннал умматиннан бигъа бан, куклу баншиврул дяркъусса члумал, ягу ссапар-даний ухъурчан, ягу мяхІсив ликкан къаччай ухъурчан масхІу бан рухса буллуссар. Шаваманан хъхъу – къини, мусафирнан шанна хъхъу – къини. Му сафаргу лахъисса, чак кутІа бан бюхъайсса, аьсив бакъасса сафар бикІан аьркинссар. КутІасса сафар бухъурчан, ягу лахъинагу аьс-сивсса сафар бухъурчан, ца хъхъу – къини бакъа бан къабучіиссар.

Му бан дурусшиврул шартІругу; му масхІу байсса

махІсивгу марцісса бикІан аьркинссар, чаклийн ду-русъсса, нажасъсса задирайх къабучіиссар, цаьксса бикІан аьркинссар, аьркиншиврий лавххун ачин бюхъайсса. Ялун щин дутІирча, вив къа-дуккайсса бикІан аьркинссар, хъиннува кІюласса, нязуксса ттал, цІурттарая бувсса кунма къабивкІун. Щавссса задрал бикІан къабучіиссар, дутІайх-ту щин дуккайсса. Щин къа-дуккарчан мугу бучіир. Цаьксса варсул мяхІсив кун-ма бурувххусса кІанайх, хха-лаххул ккутІалух чан – къансса дуккаврил баччи бакъассар. Хъиннува ганзсса, хъиннува гьартасса, хъиннува кумасса, ачин къабюхъайсса бикІан къабучіиссар. Къюр-щулттв бахъ лавгсса бикІан аьркинссар. ХІалалсса бикІан аьркинссар. ХІарамунних бан къабучіиссар. Цаннил ялтту ца лаххан къабучіиссар, кІивайвагу масхІу бан бучіис-са бухъурчан. Цавай къабюхъ-айсса бухъурчан бучіиссар. КІибавкъусса бикІан къа-бучіиссар. Уттигу му цуппагу лаххайний чаклийн иссайхтту лаххан аьркинссар акъ-

авцІуну. Махъмур ччан шю-шиннин хъхъичІмур лаххан къабучіиссар. Чаклийн иссаву къуртал шайхтту акъавцІуну кІивагу аьрхІал лаххан аьркинссар. Мунил чІунгу дай дишайссар чаклин ивссуну мяхІсив лавххуну махъ, чак-лин личІаврияту тихунмай хъхъу – къини къуртал хъун-нин, ягу шанна хъхъу – къини къуртал хъуннин (мусафир-нан) цуксса махъ личІарчангу, мяхІсив лаххаврияту бакъари. Му мяхІу байсса куцгу фари-замур – дахъра марцісса щин-нал ялтту ка дурккун къарита-вури. Мунил бан суннатмур куц -цал цІусса марцісса щин ларсун каруннайн, яла куямур ка ччаннал никъурал лув дирхъуну урчІамур-ччаннал кІиссурттал бакІрай ялув дирхъуну, куямур-кІиссурттал чулухуннай, урчІамур къюр-шулттал чулухуннай дуккаву-ри, кІисригу ххяхха-баттан бувну щинал ххару-ххару був-ну мяхІссайх.

Мий лавххун уна, щин ялув хурчангу, ливккун, гъуслугу бувну, чаклингу ивссуну цІуниціа лавххун байби-шинссар. ЧІун къуртал хур-вав тлий щак хурчан, ливккун ивссуну байбишинссар. ЧІун дияннин хъама бивтун мяхІсив ликкарчангу чаклин ивссуну уна ликкарчан ччанну шюширчангу гъассар. Чак-лийн ливчІсса члумал ликкар-чарив тамамну чаклийн иссун ялувссар. Ичува масхІу бул-лай ивкІун яла ссапарданий ачин багъарчан, ягу ссапарда-ний буллай ивкІун шавайн иярчан ца хъхъу ва къини байссар. Амма чув ухъурчангу ливккун шювшюну иссаву ххирассар масхІу бавунияр. МасхІу бан рухса буллусса, захІмат къахъун, бигъа банни.

Мунияр, бюхъавай ба ку-мур хъинссар.

Гихунмайгу буссар

ШАРИАТ

МахІрамхъул – хъинну маччамий, гъанмий-ри. Миннал дянив ташу бан къабучіиссар. Миннал куннал куннайн ка лаярча, ис-саву, биссаву зия къашайссар. Хъаннин махІрамтал хъа-нахъиссар:

1. Ппу, буттал ппу, буттал буттал ппу,...
2. Уссу, буттайхсса уссу, ниттихсса уссу.
3. Арс, арснал оьрчІру, ду-шур.
4. Уссил, ссил арсру, мин-ная лавхъумий.
5. Бутта уссу, нитти уссу. Ниттихсса ва буттайхсса

МахІрам

маччашиву дух къалагайссар, оьрчІайхсса маччашиву яла-рай дагъайссар, масала – бут-тауссу ягу нитти уссу махІрамталли, миннащал ташу къабайссар, бутта уссил, ниттиуссил арс махІрам акъ-ар, ссурахъу хъанай ур – му-нан шархъун бучіиссар, му-найн ка лаярчан биссаву зия шайссар.

МахІрамтал хъанахъиссар ккуккулул накІлил мачча-гъанмийгу, масала:

1. НакІлил уссу (вила нит-тил ккукку буллуну, хъун увсса), ганая лавхъумий,
 2. НакІлил уссил арс, накІлил ссил арс.
- МахІрамтал шайссар ташу бувну махъгу:
1. Ласнал арс, ганая лавхъумий.
 2. Ласнал ппугу махІрамри.
 3. Ниттил лас, ниттил нит-тил лас...
 4. Куяв, душнил лас, арс-нал душнил лас.

Яласса арантурайн ка лая-ву, базу лаяву хІарамссар. Шафиьил мазгъабрайн бувну, миннал биссаву зия хъанахъ-иссар.

Дагъусттаннал инсантурал хасият дур, махІрам, къа-махІрам личіи акъа, циняннал кару дугъайсса. Диндалисса шарссанил ка къадулурча, га хъяхъаврихун дишай, бис-сунсса щин диял къахъунху-рав тий. Мукун ка дугъагъа-ву хІарам бушиву хъама би-тай, му хІарамрахлу жаваб ду-лайссар ляхъан увманахъхъун Хъаннин бучіиссар махІрамтуращал хІажлин

гъан, цайми хІукуматирттайх гъан, аьркинсса иширттаву миннащал маслихІат ккаккан ца къатлуву бацІан ва м. ц.



ДАРУ БАКЪАССА АЗАР – ТАК ЦА БИВКИУРИ

ХІАДИС

СУАЛ-ЖАВАБ

– **Бучиссарив хъхъувай хіатталлий бувччуминнан ссалам булун?**

– Бучиссар ччимур чіумал.

– **Чаклийн иссаву ккалли дайссарив агар чурххал базурдай лак ягу краскалул ранг духьурча?**

– Къадайссар. Цал ми рангру дукъайссар чаклин иссайми базурдая, яла дайдишин чаклийн иссаву.

– **Михьурттал лув чапалшинву дуний, хісав дайссарив чаклийн иссаву?**

– Къадайссар. Цал михьру марці бан аьркинссар.

– **Агар цалчинсса "аттахийяту" ахттайн чакливу хъама битарчан чаклияйссарив?**

– Къалийяту. Цалчинсса "аттахийяту" бувну хьинссар, 2-ра аьрщарайнсса лахлаву дарчагу хісав буллайссар укунма хъхъуваймургу, гьанттайнмаймургу ва ахттайнмунил хьиривмургу.

– **Агар ххисса ракааьат дуварча цири бантисса?**

– Му анаварну зана хьун аьркинссар "аттахийятулин" цукун ивкун ухьурчагу, яла дуван аьркинссар 2-ра аьрщарайнсса лахлаву (садждату сагъви).

– **Тіайлассарив дикі дукан аьркиншиву ккарччах, чіила ягу гиссилу ишла къадурну?**

– Тіайлассар. Идавсил хіадисраву куну бур "Къац учара муния, дикюя". Цанасса медициналулгу тастикь буллай бур, ккарччах дуркусса дикі хьуйну лялияшви.

– **Бучиссарив Кьурбанналул биххан аьнаки?**

– 4-ва мазгъабрай къабучиссар тар. Амма Ибну-Аьбас тий ур: "Каши дакъасса инсаннан бучиссар я аьнакул, я урдакран оь буккан бан".

– **Чивисса бунагъ (грех) хьунмунин ккалли байсарив?**

– Байссар, агар му тикрал булларчан. "Ихіяу уьлумуддин" луттирай увкуну бур "Чивисса бунагъ хьунмунин хісав шайссар, агар мунин ххари хъанай, му сававну бала ялун бивау пикрилулун къаласлай, Аллагъналгу, лагъналгу дянвивсса чапар хъанай духьурча. Тикрал дуллай тлулдакъашиву (макругъ) ккали хъанай дур (хларамран). Макругъ дуллайма Идавсил цимилия мурахас айссар.

– **Бучиссарив адаминан хъаннихъхун ссалам буллан?**

– Агар му духьурча мунал щарсса ягу мунал щарну буцин къабучисса ялагу хъамитайпа бухьурча бугъарасса ккаккан ххуй бакъасса. Бучиссар адаминан ссалам булун ва хъамитайпалун жаваб дулун.

Агар хъамитайпа бухьурча мунал шарну буцин бучисса, ккаккангу ххуйсса мунихъхун ссалам булун къабучиссар ва мунин жаваб дулун.

– **Имамнал хьирив уний цукун ацан аьркинссар?**

– Мунал чанну имамналминнуйн параллельнуйн. Мани мунал крисри имамнал никьурттал махъ биклансса куцуй.

– **Агар чаклий унува бакрая къапа багъарча бучиссарив му гъаз бан?**

– Бучиссар 2-ва сукку шаврийну, агар му багъхурча, аьрщарайн къус ивкний, ка тиртуну му гъаз бан.

– **Бучиссарив клиз ранг буллан?**

– Бучиссар (суннат). Кіяла хьусса клиз хъахъи ва ятлул бан ссуннатссар адаминан биклу, хъамитайпалун биклу. Хъамитайпалун бучиссар ласная ихтияр лавсукун.

– **Цубарз ккавккун ци дуаь дуккин бучиссар?**

– Цубарз ккаккайтту дуаь дуккайссар: Аллагу Акбар. Аллагъумма ахьиллагу алайна бигъамин вальимани, вассаламати валь ислами, ва тавфикьи лима тухиббу ва тарза. Рабба ва раббука Аллагу, Аллагу Акбар вала хлавлла вала къувта илла биллаги, Аллагъумма инни асълука хайра хаза шагъри,

ва аузу бика мин шариль къадари ва мин шариль махшари гьилалу хайри ва ррушди аманту биллаги халакъаха".

– **Бучиссарив зума дугъан агар ивссуну акъахурча?**

– Бучиссар. Мунал дургъусса зума къамул дайссар, мунал бакі биссун бучиссар зума дургъунагу.

– **Агар бакі биссайни щин дагъарча чурххал вив зума зия шайссарив?**

– Къашайссар, мунал хавар бакъа гъарча, амма мугъаят хьун аьркинссар вичлаву щин жандалувун къагъан. Агар бачи бакьулшиврий (ларгсса) гъан биртусса щинал зума зия дайссар.

– **Агар вичи ций, къюву гужсса дуну на дару-дарман бувтуну вичилуву памма биширча, мунину чак зия шайссарив?**

– Къашайссар, му къабивхьуну къюву лагъ къахъанай духьурча, ягу цамур ххуллу бахъасса иш бухьурча.

– **Хларамсарив дукра-хлация кафирнан дулаву Рамазан зуруй?**

– Хларамри. Ислам циняпагу инсантурал дин дунутий. Кафирнал цайвасса бурж биттур къабувну тий мунал жаваб дулунтиссар Аллагънал хъхъичи.

– **Зума дугъаву зия шайсарив ххалаххи барча туннулулун ягу бишилувун?**

– Зума дугъаву зия хьуншиврул аьркинссар инсаннал къацливух, майравух, вичлаву ва цайми клантурдал вивн за гъан. Ххалаххи бувну я оь бувтуну зума зия къашайссар. Агар дукиялун ягу хлациялун кланай руртунуния зия дайссар.

– **Бучиссарив ккарччи дуккан, зума дургъуний, оь бачинсса нигъачлаву духьурча?**

– Бучиссар. Му даву гъантаннай дан хьинссар. Агар къахурча ссабур дан, къац марці бан, вилаган аьркинссар оьттуца. Мугу дан хъанай бакъахурча багъишлассар синяту оьттул наниминналкунма.

– **Цукунссар зума хьирив лаян даврил шартру?**

– Хьирив лаян дайнигу мукунма зума дугъайни, кунма бикан аьркинссар так, ният дан аьркинссар баргъ лавгукун, му букканнин.

– **Та къабучиссар зума дугъан?**

– 5-ва гъантлий шинавусса зума къадугъайссар. Уразабайрам, Курбан-байрам ва Курбан-байрамран хьиривсса 3-ма гъантлий. Цаппара Алимтурал ца къини ххи дуллай бур, му дур цалчинсса къини рамазан зурул.

ПОДПИСКА-2008**ХХИРАССА УССУРВАЛ ВА СУРВАЛ!**

ЧИЧИЯРА ЛАККУ МАЗРАЙССА "АС-САЛАМ" – ЖУЛА ДИНДАЛУЛ ККАЗИТ!

Кказит чичин хьунтиссар ччимур почталий.

2008 шинал подпискалул багъа хьун бувну бур, амма цанасса багърах бурувгун, личину хьун бувну бакъар.

**Ца шинайсса багъа 150 къурущ
Дачи шинайсса багъа 75 къуруш**

Бучиссар ца зуруйсагума чичин.

Дачи шинайсса индекс 51388

Шинайсса индекс - 31175

Дакі дарцуну буру, жула ххирасса буккулт, кказит бакъа къаличанссар тий.

Духхан дувара зула къатравун, кулпатирттавул Исламрал диндалул нур. Мунишала зул дакурдивун духхантиссар ххаришиву, хіалимшиву, дуллалимуниву тіайла бацу ва буллугъшиву. Аллагънал кумаг баннав, оьрчру тіайла бавцусса хьуннав, Лакку билаят тлутайх бичиннав, цанакулсса къуманива букканнав! Амин!

РУЗНАМА**ФЕВРАЛЬ**

Къини	Утренний	Обеденный	Послеобеденный	Вечерний	Ночной
1	5.23	12.00	14.39	17.04	18.30
5	5.20	12.00	14.44	17.10	18.36
10	5.13	12.00	14.48	17.15	18.41
15	5.07	12.00	14.52	17.22	18.48
20	5.03	12.00	14.58	17.28	18.52
25	4.54	12.00	15.03	17.35	19.00

Учредитель
Благотворительный фонд "Путь".
Газета печатается по согласованию и одобрению Духовного управления мусульман Дагестана

Редакционный совет:
Председатель редакционного совета
Ахмад-хаджи АБДУЛАЕВ
Заместитель Муфтия РД
Махди-хаджи МУТАЙЛОВ

Имам Центральной
джума-мечети г. Махачкала
Мухаммадрасул-хаджи СААДУЕВ

Главный редактор
Эльмира ИБРАГИМОВА

Редактор
Самрат Горчханова

Корреспонденты:
Гумаюн КАЛЛАЕВА
Сафия БАКРИЕВА

Компьютерная группа:
Ахмед МАГОМЕДОВ
Гульнара АБДУЛАЕВА

Менеджер
Абдулхамид ГАДЖИЕВ

Газета зарегистрирована
Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону) – свидетельство о регистрации
ПИ № ФС 10-6401 от 15 декабря 2006 г.
Индекс 51388
При перепечатке ссылка обязательна.
Рукописи не рецензируются и не возвращаются.

Газета набрана и сверстана
на компьютерной базе «Ас-салам».
Отпечатана в ООО «Дом печати» по адресу:
пр-т Акушинского, 20. Заказ № _____
Сдано в печать 23.01.2008.
Тираж 1900 экз.
Адрес редакции:
367015 РД, г. Махачкала, ул. М. Ярагского, 128.
Телефон: (8722) 61-00-64.
E-mail: info@assalam.ru . **Web:** www.assalam.ru